



浙江圖書館



浙江圖書館



浙江圖書館



浙江圖書館



浙江圖書館



浙江圖書館



浙江圖書館



甲午

乙未

丙申月食雲陰不見

丁酉

戊戌

己亥官兵定烏撒安邊安氏來降

庚子

辛丑孫居相成基命為吏部左侍郎基命堯右侍郎事

壬寅

癸卯駱從宇為禮部尚書何喬遠為工部右侍郎督師兵部尚

書王象乾致仕

書館



辛亥故吏部尚書贈太子太保趙南星謚忠毅故工部尚書贈
太子太保馮從吾謚恭定故刑部尚書贈王紀太子太保王
紀謚莊毅故左都御史贈太子太保高攀龍謚忠憲故禮部
尚書贈太子太保王圖謚文肅故副都御史贈右都御史楊
璉謚忠烈故禮部左侍郎贈禮部尚書周炳謨謚文簡故光
祿寺卿加贈吏部右侍郎顧憲成謚端文故吏科給事中贈
太常寺卿魏大中謚忠節故吏部員外郎贈太常寺卿周順
昌謚忠介故國子祭酒贈禮部右侍郎劉應秋謚文節。陝
西巡撫劉廣生報雄州縣曹店村宜川縣龍耳嘴各賊王子
順等千餘人掠韓城之龍門渡守將失利叅政洪承疇同撫
院中軍李滿都司艾穆千總費邑宰擊破之賊走清澗。順

天府尹列宗周言陛下勵精圖治宵旰非寧時舉祖宗故事
召對文華殿蓋躬細務朝令夕考勒限回奏庶幾太平之立
至然程效太急不免見小利而慕近功何以效唐虞之理哉
夫今日所急：於近功者非遠事乎陛下銳意中興有心滅
賊當此三空四盡之日竭天下之力以養飢軍而軍愈驕聚
天下之軍以冀一戰而戰無日此計之左也今日所規：于
小利者非理財一事乎民力竭矣司農告匱一時所講求者
皆括克聚歛之術近年并水旱灾傷一切不問條例紛：輟
轉病民有司以括克為循良而撫字之政絕上官以催徵為
考課而黜陟之法止皆言利有以啟之也功利之見動而廟
堂之上不勝其煩夫事：而糾之不勝汰也人：而摘之不

勝誅也于是名實溷相而法令滋張頃者嚴賍吏之誅自執政而下坐重典者十餘人可謂得救時之權然貪風不盡息也導之者未盡善也其後國事決裂盡如宗周言

十月壬子朔

癸丑

甲寅

乙卯

丙辰閔夢得郭尚賓為兵部右侍郎尚賓添設

丁巳

戊午進督師袁崇煥太子太保。長安知縣梁州杰故嘉善尚書丁賓收產丁也得罪而逃冒山西籍得第至是事發免官

下臺訊

己未

庚申

辛酉

壬戌廷臣請立皇太子未允

癸亥

甲子傅淑訓為太僕寺卿方孔炤為尚寶司卿

乙丑廷臣力請立皇太子許之

丙寅

丁卯

戊辰

浙 瀋 為 尚 寶 司 卿 圖 書 館

己巳

庚午召宣大總督于文華殿魏雲中于文華殿

辛未

壬申

癸酉

甲戌屬夷朝浪伯彥報建州謀犯喜峰馬蘭大安口

乙亥

丙子

丁丑

戊寅建州阿卜大以數萬騎入太安口叅將周鎮死之鎮世祿

子也分入龍井口游擊王純臣叅將張安德敗走又分入馬

浙江書館

蘭谷叅將張萬春降山海關總兵趙率教以兵援初薊州鎮
塞垣頽墮又汰兵益闕伍而三衛屬夷貳于我故建州大舉
巡撫順天右僉都御史王元雅遣兵援馬蘭谷而潰

己卯建師圍薊州

庚辰京師聞警或言建州及東不的合兵或言建州插漢合兵
無確耗。套虜憨干兒罵犯寧夏總兵尤世祿擊斬之。虜
犯延綏官軍擊斬八百十級

辛巳

十一月壬午朔京師戒嚴。督師袁崇煥自寧遠趨山海關聞
驚急趨榛子嶺調援檄督撫保定右僉都御史解經傳馳赴
癸未諭兵部曰降夷報建人西虜合兵分犯各邊雖且戰守勢

難復議調援薊遼宣大山延諸鎮各據險設伏必令匹馬不
入自畿輔山西各郡邑修防儲練屢奉嚴諭未見改觀今須
城堅池深濠內添築短牆開竇設炮城門設吊橋近城作何
收斂遠村作何歸併火器糧草俱量地大小定數勒限司道
親督至寧錦各城應慮持久龍固原平并固預防如此布置
再種早禾使千里無資劫勢自困畿輔山西郡邑每處頒滅
虜炮一三眼創槍一令模製之。河南府推官湯開遠上言
皇上急於求治諸臣救過不及臨御以來明法勅罰自小臣
以至大臣與衆推舉或自簡拔無論為故為誤俱褫奪戍配
不少貸甚則下獄拷追幾於刑亂國用重典矣諸臣欲奉公
營職而慮及天威不測夢魂亦驚耳目俱熒此而欲鼓豪傑

之氣奏精勤之理不亦難哉今諸臣惕於忝罰之嚴帶征餘
征將無矣民窮則易與為亂皇上寬一分在臣子即寬一分
在民生如此諸臣幸無罪矣臣猶望皇上官府之際推諸臣
以心進退之間與諸臣以禮申諭中外法守勿畏勿怵錦衣
禁獄非有寇賊奸宄不可入而謂大小臣工不圖報為安攘
者未之有也。文選貢外郎牟道行言會推屬冢臣主持臣
絕不預聞上以支飾鑄一級侍郎傅淑訓署吏部印

甲申檢討楊觀光言兵變乞登萊酌議蠲租以示優卹報可

乙酉山海關總兵趙率教入援遇敵戰於遵化中矢死之

丙戌建師圍遵化奸人內縱火各奔救眾潰巡撫右僉都御史

王元雅自經推官何天球保定推官李猷明知縣徐澤教諭

曲毓麟中軍彭文炳守備徐聯芳死之連陷寧撫。起前登
萊摠兵楊國棟鎮守通州責劉遼總兵朱國彥以退屯三屯
營戴罪自效

丁亥遵化報至人心大震。庶吉士劉之綸奏國家養三百年
豪傑誰不思望風而自效者但不屑奔走于庸俗之前而又
不能蚤緣以展其用若招來而鼓舞之則一人可當千百人
之用矣伏惟皇上惕然改圖開功名之門選任豪杰凡戰守
之方特角之術一切惟其所欲為如能決策使戒騎不至近
郊與之爵賞能控通昌決戰不犯山陵不扼餉道予之爵賞
且奸宄易生及今預輯又上四事各荐舉選拔將運通州天
津漕糧議城守。大同摠兵滿桂以五千人入援上召賜玉

帶貂裘封東平侯。三屯營副總兵朱來等夜遁總兵朱國
考怨甚榜逃將名氏於市散背享士北拜同婦氏張氏俱自
經

館

戊子四川巡撫張論至瀘州水西安位乞降以原貴州土司令
請于總督初朱燮元檄安位諭以內附許自新位疑未決其
群目某集兵道迫脅諸小種号二十萬以抗王師燮元大會
諸將戒之曰水西地深昧而多山險溪谷篁箐之間霧瘴陰
雨莫辨昏旦林多蝮蛇猛獸即不戰鬪而兵易疲且陸不通
車水不度舟奉饗者無以達也我深入陷伏卒以此敗困獸
之鬪未可輕也必屯險要四面迭攻漸次蕩滌使資儲空竭
賊必自斃自是漸進邀擊斬獲過當得嚮導輒發害粟就食

賊飢甚斗粟五六金劉養鯤亦遣入大方焚官室懸榜而出

賊飢甚斗粟五六金劉養鯤密遣入大方焚宮室懸榜而出
安位大恐乞降朱燮元要以四事當如先朝制通九驛猷故
殺王巡撫者及蘭部通人并貶宣慰秩安位從其二集四十
八日出降誓不叛燮元受之

己丑諭諸臣率家協同城守。召戶兵大臣錦衣衛官于平臺
。成基命為禮部尚書兼東閣大學士直文淵閣基命力薦
孫成宗以少師兼太子大師兵部尚書兼中極殿大學士督
理兵馬控禦東陞駐通州起家陞見

庚寅贈兵部職方司官郭士奇即中劉維禎李孔慶貢外郎龔
可明主事俱添註。召黑雲龍楊兆基及諸廢將。督師袁
崇煥入薊州以故總兵朱梅副總兵徐敷奏守山海關叅將

楊春守永平游擊滿守庫遷安都司劉振華守建昌叅將鄧宗武守豐潤游擊蔡裕守玉田昌平總兵尤世威仍還鎮護諸陵宣撫總兵侯世祿守三河扼其西下保定總兵曹鳴雷遼東總兵祖大壽駐薊州遏敵保定總督劉策兵亦至今還守密雲

辛卯遣太監王應朝監視行營。庶吉士金聲奏通州昌平為京師左右翼宜以重兵犄角而天津會漕糧湊集防禦尤急未敢謂將士足任也草澤義士曰中甫朝士多知之屢薦未用伏願陛下威靈同敢中甫練敢戰之士為陛下逐敵上從之申甫本游僧善小術嘗夜觀乾象云木星入太微垣帝座前患在踰旬聲疏入立召見利口稱知兵特授副總兵遂作

戰車。上聞援薊兵入城命閣臣令兵部議營城外聯絡犄

戰車。上聞援薊兵入城命閣臣令兵部議營城外聯絡犄
角勲戚科道監守城門。兵部尚書王洽下獄洽不習邊事
聞驚倉皇無以應遵化陷再日始得報上怒其偵探不明故
罪之

壬辰勞督師兵三萬金。遼兵值建人于馬伸橋敗之。以都
城懸簾狹薄下工部尚書張鳳翔及主事史維堡唐昌世子
刑部獄。以申用懋為兵部尚書趙庶吉士劉之綸為兵部
右侍郎協辦京營戎政給四萬募兵金金散為御史監中甫軍
給七萬金造車募兵。令提兵滿桂王威黑雲龍禦敵宣大
總督魏雲中宣府巡撫梁廷棟保定總督劉策河南巡撫范
景文山東巡撫王建義山西巡撫耿如杞皆入援而應天巡

撫曹文衡總理河道李若星鳳陽巡撫李待問陝西巡撫劉
 廣生鄖陽巡撫治梁應澤浙江巡撫陸完學俱令勒王入衛
 癸巳建人晨陷石門驛殺驛丞 **館** 李崇煥移營城外建人以
 二百騎嘗我聞砲而退竟日不見一騎。立賞格購擒斬渠
 帥世都指揮使餘以是為差

甲午袁崇煥偵敵將潛越薊州而西即西追之犯薊州經玉田
 三河香河順義諸縣皆陷 **江**

乙未

丙申袁崇煥至河西務議趨京師副總兵周文郁曰大兵宜趨
 敵不宜入都且敵在通州我屯張灣去通十五里就食于河
 西務如敵易則戰敵堅則守崇煥不聽時命崇煥不得過薊

門一步蓋先有言崇煥內建人而崇煥不知也。黑雲龍補

門一步蓋先有言崇煥勾建人而崇煥不知也。黑雲龍補
山海關總兵楊兆基補薊鎮總兵。命運通州糧令楊國棟
發兵護餉天津糧以漸致之。

丁酉孫承宗入朝素崇煥抵左安門時戒嚴報不得即入漏下
始馳奏建人薄城下都人競謂崇煥召敵上不無心動總兵
滿桂侯世祿至京。命錦衣衛僉書吳孟明與禮部左侍郎
徐光啟分練京營兵

戊戌遣太監馮元昇覈軍訖始下戶部發餉又命太監李直勞
軍。順天府尹劉宗周上言大小臣工豈無一人足以當信
任者而以情面二字概從猜疑識者憂之今日第一宜開示
誠心為濟難之本如以不信文臣之故專付之武臣之手至

文武之途分矣視舉天下無以托國而曰舍一二內臣無可
 共患難者自古未有宦官典兵不悞國者不知危急敗亡之
 日舍天下士大夫終不可與共安危皇上亦以親內臣之心
 親外臣以重武臣之心重文臣則太平可致。建師營通州
 北二十里分向彰義門天津密雲居庸閼良鄉

己亥賜袁崇煥玉帶彩幣六祖大壽玉帶彩幣四餘大將各緋
 蟒衣一襲戶部給各軍芻粟已飢再日私掠。令叅將劉文
 祿夜襲敵營至高密店知有備不得入。諭襄城伯李守綺
 協理京營戎政兵部尚書李邦華右侍郎劉之綸料理守禦
 事宜特命禮部左侍郎徐光啟左允中李建泰指授訓練
 庚子建師大至宣府總兵侯世祿大同總兵滿桂俱屯兵德勝

門世祿避敵桂獨戰城上發大砲誤傷桂兵殆盡桂負創卧

門世祿避敵桂獨戰城上發大砲誤傷桂兵殆盡桂負創卧
闕將軍廟中素崇煥令都司戴承恩擇地廣渠門祖大壽陣
于南王承胤等陣於北崇煥陣於西待戰于刻敵騎突東南
我力戰敵却而承胤從陣南避敵還而西刀及崇煥材官素
昇高及格之而折獲免南兵復合敵稍却我力戰游擊劉應
圖羅景榮千總竇濬等追至渾河敵騎多冰陷殺傷于計我
亦傷失數百人乙夜收兵上賜酒食勞軍。詔曰蠻夷猾夏
自古有之雪耻除克必藉群力朕思與華夏共躋乂安建孽
本我命夷憫焉不逞越遼犯薊入我邊城將吏玩法忘戒致
彼蹂躪謾薄都城已命六師警備于內閩寧諸兵堵截于外
凡我臣民共宜蘊憤乃入衛兵將已經遣調尚甬遷延赤子

虔劉朕心何忍茲特詔諭省鎮官吏文武凡督撫有建牙之責即
選精粹銳整器甲儲糧糗簡授賢將星馳赴援近地撫臣躬
提入衛不拘部調原額所部人才有智畧出眾勇力超羣即
隨軍奏聞其道將以下及副叅游各官有志負吞胡才優克
敵及廢間將領家可當一部者撫按驗給遣發京城內外不
論官士軍民能募士出奇或夜擊營或焚攻且論功叙賞朕
無所靳若奉調兵將逗遛不前專閫秉鉞坐視罔聞逮問懲
處有祖宗之法在

辛丑刑部尚書喬允升荐故都督馬世龍故御史吳阿衡上從
之即釋獄復官世龍殺敵自效阿衡監軍
壬寅開德勝門甕城休滿桂餘兵

癸卯建人徙屯南海子薄暮命督師進兵

甲辰召索崇煥祖大壽滿桂黑雲龍及兵部尚書申用懋于平
臺崇煥不自安留中使于營自青衣玄帽入先張皇敵勢聳
朝臣異成款及見上：慰諭久之崇煥懼上英明終不敢言
款第力請率兵入城不許賜貂裘銀盃甲滿桂解衣示創上
深憫之俱同出

乙巳

丙午索崇煥求外城休士如滿桂例并請輔臣出援不許

丁未建人攻南城官兵拒却之。都察院事張道澤論兵部尚

書王洽協理京營戎政兵部尚書李邦華邦華以放炮誤傷軍士

遂罷

圖

戊申袁崇煥遣嚮導任守忠以五百人持炮潛攻建人于南海

子建人稍遁

己酉改李成名兵部左侍郎添設

庚戌召大臣于平臺。巡撫陝西右僉都御史劉廣生奉命入

援適子疹對督糧道洪承疇商維道刈應遇而泣留日始行

至陝州命急殲流孽不必入衛時流盜混天王等擾延州未

脂清澗等縣起前總兵杜文煥委勦叅將李重營副之初賊

至清澗田莊堡叅將石在廊手與戰于刃數賊死之

十二月辛亥朔命太監沈良佐李直提督九門及皇城門李鳳

翔提督忠勇營提督京營。召袁崇煥祖大壽滿桂黑雲龍

于平臺崇煥方遣副總兵張弘謨躡敵聞召議餉入見上聞

以殺毛文龍今逗遛不何也並不能對命下錦衣獄賜桂等
饌遂遣太監車天祥慰諭遼東將士命滿桂總理援兵節制
諸將馬世龍祖大壽分理遼兵桂前被流矢視之皆素軍夫
也崇煥固自任滅敵一旦胡騎充斥遇敵輒避去物論籍籍
是日敵移營而南

談遷曰當桂戰敗時謂督師對壘不發一矢非也桂戰都
城北崇煥戰都城南頗有殺傷弟先後間縱敵貽患方在
薊州獨不能躡其後掩襲之耶聞石門驛一小砦驛宰某
率土兵壘石塞徑被攻終日而陷苟矢志勵衆剪其零騎
俾斂寇不敢掠過其鋒于通州決一血戰無鳴鎗都門之
下庶免于戾而崇煥智不出此豈及在其頸不覺冥蹈之

耶至謂名敵脅款此無心者為之崇煥當不其然但敵鋒
方鋌與盟城下如唐渭橋之事稍追目前則崇煥微意自
在然亦愚矣易曰負且乘致寇至然與非與

南居益為工部尚書錢春為戶部左侍郎督理邊餉曹珍康
新民為右侍郎督理錢法

壬子建師陷固安蓋奸人導之自良鄉至也典史朱德死之知
縣劉伸遁走雄縣後遣戍初陷良鄉知縣黨還醇典史史之
棟教諭安上達訓導李廷表驛丞楊其禮死之。襄城伯李
守錡奏城上懸簾未備命杖工部郎中許觀吉管玉音朱長
世周長應下錦衣獄現吉長世創重卒。諭各營曰素崇煥
自任滅胡今胡犯都城震驚宗社夫關寧兵將乃朕竭天下

財力培養訓成遠來入援崇煥不能布置方畧退懦自保致
胡騎充斥百姓殘傷言之不勝悼恨今令總兵滿桂總理閩
寧兵馬與祖大壽黑雲龍督率將士同心殺敵各路援兵俱
屬提調仍同馬世龍張世弘謨等設奇邀堵一切機宜聽宜
便宜行事

癸丑皇次子慈烜生即殤後追封懷隱王中宮出

甲寅給申甫新^兵所募多市乞識者知其必敗。遼東兵潰遼兵
素感素崇煥滿桂與祖大壽又互相疑大壽輒率兵歸寧遠
遠近大駭初逮崇煥時大學士成基命晚大壽心悸狀因頓
首請慎重者再敵在城下非他時比

楊士聰曰己巳之變自嘉靖而後僅再見焉但士馬物力

仍且相當素督師至一戰人心始定迨後鈐制諸將不為
無見而素為人疎於大璫少所結好毀言日至竟羅極刑
厥後滿桂總督一戰而敗安見鈐制諸將為非宜哉乃都
民亦羣以為奸臣賣國此等事人多不敢言之

乙卯閔夢得為兵部尚書協理京營戎政。修賦役全書

丙辰煮粥賑飢民。諭承宗曰朕以東事付袁崇煥乃胡騎狂
逞崇煥身任督師不先行偵防致深入內地又箝制將士坐
視淫掠淫暫解任聽勘祖大壽及何可綱張弘謨等血戰勇
敢可嘉前在平臺面諭已明今乃信訛驚擾亟宜憬省自効
或邀賊歸路或直搗巢穴但奮勇圖功事平論叙夫凶寧兵
將乃朕竭力訓成又卿舊日部曲可速遣官宣布朕意仍星

馳抵閩便宜安輯大學士成基命奏以素宗煥手札招大壽
及條上規畫上俱從之

丁巳督師大學士孫承宗奏遼兵東潰約萬五千人自通州南
趨張灣臣聞之亟以手札慰諭祖大壽并傳檄三軍令游擊石
柱國飛騎追之僅及其尾弓刀相向柱國力諭諸將校亦多
垂涕但曰主帥已僂又火砲殲我故遂致至此臣思大壽危
疑之任甚又身貴不能受制同列故乘吏卒驚疑全軍盡潰
陷人以自護非全軍盡叛也宜亟勅關內閩外兩道慰諭將
領解散士卒大開生路以收人心上從之大壽抵山海閩宣
聖諭士卒乃安因令堵截建人歸路自是大壽稱疾不復視
事矣

戊午孫居相為戶部尚書總督倉場。禁抄傳塘報

巳未

庚申

辛酉

壬戌禁婦女出城

癸亥建師夜傳天固安趨諸部合戰明日出良鄉棄婦女亡奠

甲子孫承宗至山海關

乙丑

丙寅許梁廷棟陞見諭勛戚大臣助馬騾。御史高捷劾大學

士錢龍錫曰素崇煥罪案已明臣不必言獨發縱指示之龍

錫不勝傷心之痛前逮崇煥時大壽口不稱寃兩日颺去後

書館

江

浙

此非龍錫易崇煥與此改之崇煥與之殺毛龍錫易崇煥與此

此非龍錫崇煥挑激之哉崇煥之殺毛龍也龍錫密語手書不一崇煥疏有龍錫私商之語可覆按也又崇煥與王洽書言建州屢欲求款廟堂之上主張已有其人使文龍協心一意自當無歎無猜否則斬其首崇煥効提刀之力龍錫發推及之謀宜今日龍錫作同舟之救也

陳盟曰或者謂文龍不殺建州未敢深入崇煥欲與和受其間貝錦之譖雖為毛黨造成而崇煥專殺適自階禍可慨也夫

丁卯設文武經畧以梁廷棟滿桂為之各賜上方劍營西直安定門二桂始屯宣武門甕城內謂敵勁援寡未可戰中使趣之亟桂不得已揮涕而出以五千人同孫祖壽等戰安定門

外並敗沒麻登雲黑雲龍被執申甫以七千人戰柳林大井
 蓋溝橋亦敗沒都人大懼。刑部逸囚百七十人即獲之。
 御史刘廷佐遣家出城錫一級守門刑部右侍郎朱守世錫
 二級

戊辰諭刑部閱囚罰俸三月。薊州城東南角樓火。霸州道

周詩棄城走命逮之

己巳

庚午

辛未

壬申大學士錢龍錫引疾去

楊士聰曰毛文龍之死何所閔於成敗之數自素敗而議

浙江圖

首見以為詞干連然連龍錫逮獄命死初華亭東迷需曾

者執以為詞干連聃連龍錫逮獄論死初華亭陳繼儒曾
贊成誅毛帥之議錢既論死其家子弟日至陳家詬厲也
辛未大旱釋死罪六臣龍錫與馬使其當近日韓城宜興
之間豈復有餘生哉乃知人主用法以漸而手滑也

癸酉巡撫山西右副都御史耿如杞總兵張鴻功援兵潰於良
鄉援兵皆沿邊勁卒竄走剽掠秦晉間李自成與之合眾至
萬餘推高迎祥為首稱闖王自成為闖將。建師陷張灣守
備房可宗遁。召周延儒李若星李成名羅喻義吳阿衡趙
延慶喻思恂于平臺

甲戌兵部右侍郎劉之綸以二萬人出京禦敵敵
乙亥摠兵趙世龍遇建人於良鄉進世龍武經畧賜土尚方劍

丙子

丁丑建師陷香河殺知縣任光裕攻三河不克

戊寅攻寶坻知縣史應聘拒卻之館刑部尚書喬允升侍郎胡

世賞教維榮下錦衣衛獄。周延儒為禮部尚書兼東閣大

學士直文淵閣

己卯提兵祖大壽奏遼兵入援始末上諭之復遵化援遼。建

師陷玉田知縣楊初芳降

唐辰何如龍錢象坤並為禮部尚書兼東閣大學士直文淵閣

。兵部右侍郎劉之綸求入通州城戶部主事林如珩叅將

魏都梁不納即道掠。追卹故經畧素應泰殉遼陽之難予

祭葬贈謚。文酋莫敬寬送岑繼綱還歸順撫臣以綱嗣職

士國章登首祖參迷常陰因內難無臣敬中軍黃金王禽登

土日韋登猶祖岑繼常陰圖內難撫臣檄中軍黃金王擒登
禁之始定

庚午崇禎三年正月辛巳朔四方霾晦

壬午以宋偉為總兵鎮守山海關同梁廷棟馬世龍征進王國
樑為總兵鎮守山海關西領山西援兵列營防禦事平回鎮
。命卹故都督滿桂孫祖壽趙率教彭守印李標時兵部職
方郎中余大成以緩奏奪太僕寺卿銜兵科給事中張鵬雲
鏄一秩。建師東趨永平

癸未禮部尚書兼學士李騰芳禮部右侍郎兼侍讀學士李孫
宸回部韓繼思為刑部尚書張慎言為刑部右郎侍。刑部
郎中陳臣忠鏄三級調外晉承春等八人罰歲俸員外郎蔣

紹隆罰俸五月。袁養和罰俸三月。時逸重囚三人。御札設大砲城上。諭卹故總兵申甫。

甲申召戶兵工各科于會極門。令註消案牘。各委給事中一人查理。六曹勒期奏報。諭兵部傳經畧梁廷棟。遣偵騎遠探如敵。尚留昌平。即合勅如絕跡。督各將截于薊東。約樞輔孫承宗督祖大壽于三屯營。豐潤間。聯絡犄角。四面蹴之。毋令間道繞掣我後。建師陷永平府。先有人伏文廟承塵上。晨登城守將楊春反。導之兵。脩道副使鄭國昌。知府張鳳奇。推官盧成功。盧龍教諭趙允直。東勝衛指揮張國翰。武舉唐之靖等死之。國昌先令諸生擊楊春。死。中書舍人廖汝欽。故總兵副將焦延慶。守備趙國忠。諸生韓原洞等俱力戰。歿。中軍程

應琦罵賊被殺建師登城即召故副總兵楊文魁曰昨歲三月囑若內應何今費我三日力乎鞭之三百廢將孟喬芳戶部員外郎陳此心同知張萬壽諸生宗應元首降于是邑人布政白養粹行人崔及第職方郎中賈繼倫俱降明日焚東門授白養粹巡撫永平右都御史崔及第永平兵備道副使靈龍知縣張養初為永平知府兼縣事同知魏君謨為灤城州知州命養粹等覈郡縣庫二萬二千餘兩粟六千餘石荳三千石芻萬束建人欲焚掠各官說止之小慙至東獄廟故總兵麻登雲侍側勞孟喬芳等貂裘各一鼓吹而入小慙尋東行括城中金帛以諸生廖師周物粗惡杖之藉其家同知楊爾俊辨髮不中程斬之選巨室女白氏崔氏預焉白有殊

色養粹女特獻設者又遣聘遷安兵部左侍郎郭鞏女鞏遁
拘其妻以來

乙酉

館

丙戌逮導化游擊趙宗普以私逃也。命瘞城外戰士遺骸。

諭戶部括京師官民牛驪運米于河西務給費事平叙賚。

兵部都給事中張鵬雲言敵騎內犯半月矣諸臣所料理如
通州要津昌平山陵人皆知其必犯而不見布置之方導
化以南有豐潤稍北乎谷皆屬間道未聞竒伏偵騎不下三
百而敵之多寡查然則司馬之責也各援將如雲如雨日費
本色數千石折色數千金今果沛然有餘乎不即求接濟則
司農之責也最急莫如火砲而鉛石滾木等或闕少則司空

之責也

丁亥經略總督援兵三部尚書梁廷棟回京

戊子灤州陷知州楊漁迫於搜兵自刎太僕寺卿馮運泰先遁
。總兵陳洪範入援以洪範東人止之。建師攻撫寧四日
不克撫寧去山海關三十里叅將黃惟正力守轉攻昌黎還
永平

圖

己丑劉之綸報敵兵分往永平遵化屯遵化三千餘騎自東門
連營至漢兒莊臣往薊州俟兵到移三河求催通州糧以濟
總理馬世龍亦至。建昌中軍白養慶以白養梓義子遂勸
主將馬光遠降

庚寅逮薊州遼總督劉策摠兵張士顯後獄上論死。前尚寶

國朝 卷二
卿司原抱奇劾大學士韓爌招寇鏘抱奇一級

辛卯初陝西邊道王子順

号左掛子

苗美連逃兵掠綏德敗叅

將石在廊衆至三四千下圍韓城破前鋒鎮總督楊鶴會巡撫劉廣生調兵。逮山西巡撫右副都御史耿如杞提兵張鴻功。命協理兵部右侍郎列之倫追敵及于遵化如回兵逆戰



壬辰

癸巳兵部揭奏近旨禁塘報密奏抄傳邸報寂：或覽者謂本部視袖手視變漫無事：非其情實不敢不白

甲午

丁未大學士韓爌致仕賜金幣行人孔文標護行。巡撫河南

右僉都御史范景文入援命守涿州時叅將孫潭守涿州畏
警託言追敵而逃下臺訊

丙申提督楊鶴等邵陽解韓城之圍斬三千級賊遁復犯清澗
官兵追逐数十里王子順以百十二人降總兵杜文煥受之
苗美分二部走宜州安定官兵斬七十級更降三百十二人
餘大奔苗美叔苗登霧嘯聚于定安仍掠涿州中部宜君提
君兵杜文煥擊賊敗之副提兵李卑都司艾穆等兵大集賊
黨黃虎復乞降

丁酉

戊戌巡按直隸御史董羽宸奏殉難香河知縣任光裕良鄉知
縣党還醇典史三之棟教諭安上達訓導李廷表驛丞楊其

禮宜卹光裕還醇各贈光祿寺丞之棟等各給卹符歸其喪
贈之棟良鄉主簿。建人東向遣二騎持幟致書祖大壽求
和孫承宗斬之建人遂西承宗令游擊劉天祿設覆以待

巳亥

庚子建人屯永平城外十里我伏兵双望叅將孟道等誘至李
羅崩伏發敗之斬百四十九級兵氣少振。劉之綸報石門
伏地砲殪敵千餘人

辛丑

壬寅候補叅將周應乾奏釋罪撫王化貞謂妄托下兵部論罪
。廣平東西洋澳夷陸若漢進大銃。兵部右侍郎劉之綸
屯遵之娘三廟山敵望而射之中矢死總兵馬世龍在薊門

不援全軍俱沒初巡按直隸御史董羽宸言之綸不任戰上
責之而之綸領新兵初募四萬出彰義門已佚其半素無紀
律以及于敗之綸四川宜賓人崇禎戊辰進士後贈兵部尚
書廕錦衣衛指揮僉事予祭葬

高汝拭曰劉之綸以小臣驟蒙知遇非常之值也驟畀崇
銜非常之舉也書生而驟許談兵望之殺賊亦非常之責
也受非常之恩宜償以非常之報是以壯心一往不恤輕
進勢雖搶攘必不欲與賊俱生若人而人公也則天下多
立功報國之士矣惟僉生畏死所以藏頭蒙面托言持重
不敢一言及戰耳以是責備公者謂死天下事易成天下
事難雖死而無益於事雖死何益果爾高枕不問任賊來

往于身得矣其若國計何

談遷曰方東胡發難時劉司馬抱趙貞吉之憤投筆請纓
兵將俱非素習名据其上而勢已輕矣潰決不支委七尺
于荒城之外司馬即無憾得不灰任事者之氣乎擢士為
將得不償失雖為時所譏要亦慷慨負竒者流語曰士非
玉璧談者為價其劉司馬乎

癸卯以張鳳翼為兵部尚書兼右副都御史總督薊遼保定軍
務洪承疇為右僉都御史巡撫延綏仙克謹為右副都御史
巡撫山西。宣府總兵侯世祿以愆恤劾免。建師攻昌黎
三日知縣左應選守備石柱國拒却之多殺傷遂引去昌黎
小邑獨抗敵人壯之遂起應選兵備僉事

甲辰

乙巳

丙午遷安故兵部左侍郎郭鞏逃館京奏乞師自述有書却聘
上問其書云何鞏錄呈兵部尚書梁廷棟劾其稱大金非法
命下獄論死久之減戍廣西

談遷曰郭鞏嘗排周宗建致隸丹書其人褊激非宵任傾
險者也塵拂鄉閭妻女為辱忘家告急效秦墻之一哭一
語倉卒微文刺譏幾陷大逆因誤書以快夙釁死灰更溺
嘻其甚矣郭氏可死彼白養粹輩不識何以寘之抑無以
服郭氏心也

丁未左應選同祖大壽追建師於燕河等處多斬馘自是諸路

國朝 卷二
敢戰大抵非建州乃揀漢零部也時建州潛師飽賜官兵無
聞焉。罷兵部左侍郎程正巳工部左右侍郎畢茂良劉可
法

戊申瑞安大長公主薨

己酉時議中外七品以上官捐俸助餉上不許諭吏部都察院
曰設官圖治詔祿養廉朕方以潔已奉公望諸臣而尚廩畫
捐豈此外更有八孔乎諸臣果真心為國興利別弊朝廷受
益何必捐助朕今與諸臣約國家自有定制諸臣能核侵冒
杜漏卮清夙逋完舊額則太倉自盈司空何誑若俱從君父
起見毋圖身家之利此即福國徑邦第一策朕又安用總
憂財用乎倘腹民脂侵公課修贈遺此不忠之尤朕覺察所

及宜寘重典惟爾諸臣其憬思之

談遷曰既諭止捐助而捐助者後且不絕豈前諭如弁髦耶時廷臣俱進獨順天府尹劉宗周謂養廉不可廢真一時矯也

庚戌以去夏逮故刑部尚書薛貞未_末至謫刑部郎中曹師稷王繼廉其員外郎余昌祚鑄一級主事楊整綱鑄二級。今順天撫按令各屬課農其殘破處仍勸相給種稱朕德意。祖大壽遣叅將張存仁帥騎兵都司劉雄帥步兵都司守樂亭昌黎協將王維城守臺頭營副總_兵何可綱守石門馬明英守燕河各上首功蓋山_海閭西南撫寧昌黎樂亭三縣城西北則石門臺頭燕河三邊城俱滦水要徑也寧前道兵備副使孫

元化安輯關外八城斬獲首虜八百有奇。閩內道副使王楫署都督僉事朱梅謀復建昌而建昌守將孫承業千戶蔣若惠叅將畢尚信等密通款孫承宗令朱梅攜燕河臺頭兵祖大壽以都司陳可立等隨往安撫并贈歸正人。三衛屬夷為建人請款。陝西巡撫劉廣生甘肅巡撫梅之煥及總督楊鶴遣五兵總兵吳自勉尤世祿楊麒王承恩楊嘉謨等先後率兵萬七千人入衛，延綏總兵吳自勉領榆林兵沿途徵馬又逼逗遛賄放兵騎巡撫張夢鯨忽死。邊盜王嘉胤陷府谷縣。揀漢虎擊鬼慙以十萬騎至宣府脅賞原議四十萬金止括十八萬予之。

二月辛亥朔予故都督滿桂孫祖^壽趙率教祭墓立祠祀之。

壬子進祖大壽太子太保。翟鳳翀為戶部左侍郎兼右僉都御史總理糧餉。寧夏總兵尤世祿陞見命兵部立調遣。

癸丑

甲寅逮湖廣府推官以許憲一以貪暴不法也。

乙卯吏部尚書王永光薦諸臣邊才王之臣石教諧曹文衡翟鳳翔王之彩王繼謨。昌黎知縣左應選加山東按察僉事。張顯謨為征西將軍總兵鎮守寧夏。

丙辰製皇太子冊寶。沈演為工部左侍郎宗槃王國楨為兵部左右侍郎易應昌為左副都御史王國楨添設

丁巳官軍復建昌誅叛人白衍慶郭毓偉趙定國等

戊午祖大壽入建昌敵大至繞城而戰連旬斬一百八十餘級

乙未

庚申冊立皇子太慈娘頒詔天下。官軍復遵化

辛酉

館

壬戌

癸亥進李標少保戶部尚書武英殿大學士成基命周延儒何如寵錢象坤並太子太保文淵閣大學士進孫承宗太子太保並廕中書舍人賜錦綺已馳諭承宗曰朕念卿與將吏折衝勞苦日勅廕於懷卿須間道遣人飛報情形以便彼此策應又遣鴻臚寺丞董用極勅渡海勅勞祖大壽等并以發中紵之屬十餘賞功。司禮太監宗普王永祚李鳳翔郝儒曹化醇各廕錦衣衛指揮僉事李承芳廕正千戶

甲子

乙丑兵科給事中陶崇道上言梁廷棟在通州奏遵化三屯營
易復良鄉固安賊難破自謂料敵神算今難者易者難矣又
漕運總兵久不用勛臣靈璧侯湯國祚等乘多事覬位廷棟
故為兩可向旨大臣固如是乎

丙寅起高弼圖左僉都御史許如蘭為右僉都御史巡撫順天
蕭毅中為右僉都御史巡撫南贛

丁卯諭吏部曰國家用人惟求事理民安庸鄙之徒不堪內外
若拘資俸其人得矣如國事蒼生何且荐舉必甲科通判多
不肖以及堂司隱弊勢要閹說諸如此類條議來奏。工部
員外郎陸澄源劾左都御史曹于汴不問降澄源順天府照

磨。建人又大至建昌官軍擊斬八十餘級。刑部在繫霸

州道周詩自經

戊辰

館

已巳錦衣衛南鎮撫司僉書張道濬言臣里居聞警入衛道見

吏部郎中龔世法御史劉芳乘傳入京中道退避又前御史

毛羽健所奏五問殆專為素崇煥地命逮世法芳

庚午

江

辛未

壬申陳仁錫為左諭德兼侍讀

浙

癸酉

甲戌劉策張士顯獄上論死

乙亥

丙子代府宗人索祿遮巡撫張宗衡與大譚

丁丑

戊寅巡撫陝西都察院右

都御史宋槃憂去。初禮科給事

中葛應斗言我太祖諭曰民食在禁未作且民衣在禁華靡
四民各守其業民家不許錦繡誠有鑒於治源為萬世程也
承平既久風俗日侈士庶服飾僭擬於王公男則女飾女則
道裝嗟貧民終歲勤動苦難卒歲而商賈採竒贏菴倍于
農金生粟死莞子所嘆我皇上首罷織造減珍羞節儉以先
天下豈容臣庶侈靡踰制宜嚴禁之報可禮部覆曰近日胥
吏戎寇切雲僮僕倡優錦綺曳地朱碧紅紫刺繡縈組日異

月新一倡羣效以致居室器用無不夸奇豪貴一筵抵窮民
歲費無惑乎公私匱竭財用日耗簋盥不飭也謹遵明旨逐
款開具一定品官士庶巾帽及品官輿馬蓋扇一定士庶妻
女衣飾一定品官士庶房舍一定僧道尼姑不許紵絲紬絹
紗羅一定官吏士庶之家牀榻椅褥一定官吏晏會器皿用
古銅器一禁民間賽會



已卯

五

庚辰禮部請故兵部尚書趙彥邨典以前撫山東釀寇冒捷不
許。督師孫承宗以七百騎援總兵於三屯營楊肇基于三
屯營擊斬百三十四級肇基合擊又斬六十六級
三月辛巳朔大學士李標罷。吏科給事中陳良訓言祖宗設

六科五十人各道御史百有十人歲二八月科陞正一人閏一人外一人道陞正一人閏二人外二人合百六十人決歲而十陞其一正陞論俸閏陞論資年來降調接踵資俸陞者無幾伏祈皇上察科道除二八月外無陞期除正陞閏陞外無陞法乞賜題補。左副都御史易應昌署院事

壬午建人千騎抵房山有二人呼城下則良鄉萬千戶子及千戶弟也寶出偽檄招降却之已又一騎大呼曰房山是金大定設縣以護祖陵爾官吏宜出迎知縣楊齊芳力拒之諸生李元勳耿原城下說之曰既近祖陵人民不宜加害騎引去遂傳辛卯祭陵及期果一二千騎經城北呼諸生陪祭九龍岡蓋金章宗墓也申刻敵退。禮部請正文體從之。督師

大學士孫承宗言皇上命梁廷棟調度各鎮援兵仍令回部受事令弗推督兵大臣夫此大臣不過加武臣之掣肘督文臣之觀望况督師將多徽倖成功先立意見為卸過之端故無好水之先策而徒咎任福之違令如今止以布置之概為調度則廷棟與臣書言閔永戰守言糧餉水運言奇正布置略具此臣所能亦中樞所能也如控縱疾徐斟酌深淺則中樞所不能亦臣所不能何也兵交原野受計帷幄變在須臾謀定千里勢有所不可非獨才有所不能也乞皇上察臣之言止以中樞調度諸將至可進可止可守可戰令監紀諸隨在調戢既無掣肘安得觀望上是之

癸未叙甘肅累捷功文武陞賞有差



浙江圖書館



浙 江 圖 書 館



浙江圖書館

浙江圖書館藏書

522. 005014

一九五〇年八月



浙江圖書館




浙江圖書館


浙江圖書館善本

甲 登記號： 005018

一九 年 月 日







Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black